



هي دي مصر

هي دي مصر

لو عاملين ماتتوش عارفينها..

..

هي دي مصر

اللى اله الكون ده صاينها..

..

هي دي مصر

شايه المصحف جوه القلب

و داقه هلال و صليب فى يمينها..

هي دي مصر..

..

لو هتدور لف الدنيا

مش هتلاقى زى بلدنا..

..

لا فى اصالتها و لا قوتها

رافعه رايتها

و شمسها نار فى قلوب حسادنا..

..

ارضها جنه مزروعه حنه

بناها البنا بقلوب مش طوب

و المكتوب لهواها هوا خدنا

هي دي مصر..



احلى قدر فى الدنيا قدرنا
لما كتبنا مصريين..

..

و اما اله الكون ده اختارنا
حروف فى كتابها
و يضمننا بالحب ترابها
ليوم الدين..

..

موسى اتربى على اراضيها
عيسى رسالته نبتت فيها
يوسف لما ربك نصره
جعله على خزائنها امين
هى دى مصر..

..

هى دى مصر و مهما نقول
مش هنلاقى كلام و حروف..

..

قهرت ياما هكسوس و مغول
تتار و صهاينه
و عالم خاينه ميات و الوف..

..

ياما عدا عليها جبابره
و ايام غبره تكن و صابره



ع الزمن الغادر..

..

لكن تفضل مرفوعه راسها

و عند مداسها بقدره قادر

الغول يتحول لخروف

هي دي مصر..

..

هي دي مصر

و اقول تانى عنها ولا كفايه..

..

هي دي مصر

تاج على راس الدنيا و زانها

حكاية حب و احلى حكايه..

..

• هي دي مصر

اللى خرج النور من بابها

و المولى فى كتابه كتبها

قبل الكون ما يكون له بدايه..

هي دي مصر..